



邊藏芻言

地770.63
917
部三







川滇邊防大臣兼駐藏大臣
趙爾豐遺像



巴塘巡撫衙門之側面



達賴喇嘛寺即今拉薩政府
(其為達賴喇嘛肖像)



劉 贊 廷

敬告國人注意西藏邊務



數百年拱服之藏番

號稱五族

西藏與青島之比較

艱難締造

職責上之報告

藏巴康巴之區分

自民國建元於茲十載內爭不已外侮頻來藩屬疆輿喪失泰半西南夷務漫置不修舉數百年拱服華夏之藏番視同敝蕪數萬里殷實富庶之藏地任其荒蕪天下一家號稱五族主權不屬領土何存近日番匪猖獗且駸駸乎擾及滇川甘陝境界所謂川邊特別區域者烽火連天銅駝匝地打箭鑪鎮軍掌邊關之管鑰方養精蓄銳擴張勢力於川西嗚呼哀哉野火燎原龜玉毀匱患生肘腋禍延腹心半壁江山無人眷顧以全國注目之青島與藏邊較何啻滄海一粟猶能爭持交涉舉國一致而邊藏數千萬方里外人越俎鄰國染指我則

如秦人視越人之肥瘠非所謂明察秋毫不見輿薪者耶贊廷燕人自前清末葉側身行伍服務邊防十有四載非敢自謂老於邊務熟悉夷情而從前督辦邊務大臣趙爾豐艱難締造慘淡經營之邊竅政治兵戎贊廷皆躬親目覩曾幾何時而危機四伏楚歌八面強夷接軫朝不保夕此贊廷不能不為職責上之報告者也

藏邊區域之沿革

查川邊毗連西藏自昔總名藏衛由恩達分界恩達以西名曰藏巴即前藏後藏是也恩達以東名曰康巴即打箭鑪巴裏塘更慶（即德格）各區域今各川邊是也康巴區域北至甘肅之界谷南至雲南之阿墩計程

趙督辦爾
豐改土歸
流

西南兩大
行省
西藏喪失
於辛亥

三省劃歸
西康之區
域自辛亥
中止

三十縣之
僅存

川邊十七
縣之存在

三十四站東至四川之瀘定西至前藏之恩達計程三十八站地面遼闊物產豐饒惟其人種複雜政無統系距今十五年前尚屬於土司管轄中間如瞻化甯靜兩部落又為達賴之香火地漢官僅有打箭鑪廳及巴裏察木多等處糧務而已自前清光緒三十二年趙督辦開始經營改土歸流康巴區內設治三十所併四川雅州五屬雲南麗江六屬甘肅之界谷建為行省以巴塘為省會名曰西康劃分六府三州四十二縣統治於巡撫所謂藏巴者設治三十七所并擬設拉薩將軍統治之於是西南兩大行省已具雛形辛亥革新事遂中止加以駐藏大臣退出拉薩藏巴全境喪失於無形默默

之中主權所及除川滇甘三省劃入各區外僅存西康之瀘定康定雅江九龍道孚鑪霍丹巴理化定鄉稻城貢噶巴安鹽井德榮義敦德格白玉鄧柯石渠同普武城察雅昌都貢縣恩達甘孜甯靜瞻化科麥察隅等三十縣川邊鎮守使所管轄者也民國二年藏番寇邊佔據我科麥察隅兩縣彼時我軍復佔領藏屬之類烏齊改設九集縣丁戊之役邊軍失利恩達貢縣九集昌都察雅甯靜德格白玉鄧柯石渠同普武城等十二縣以次喪失今所存者巴安以東十七縣耳此近代邊藏領土變更之實在情形也

藏邊政治之沿革

西藏改建
行省發起
於趙爾豐

火焚丁林
寺馬踏七
大村

川邊之維
新

趙氏之成
規已蕩然

無存

國體變更
為西藏獨
立之原因

鞭長莫及
之西藏

西藏改建行省之議發起於清季邊務大臣趙爾豐當
時邊務廢弛已久番民頑固動輒犯上作亂如拉薩迫
囚聯豫巴塘戕殺鳳全羽書疊至西顧多憂經趙大臣
統率精銳西出鑪關襲福康安之餘威追岳鍾琪之偉
烈火焚丁林恢復巴安馬踏七村威震全藏定三鄉撫
德格大小百十餘戰剷除酋規施行新政設郡縣置官
府以伸法律倡集鎮以利民交易建收支局以整頓稅
務設學務局以振興教育立礦務局以開採礦產設兵
備處以訓練防軍修台站安郵電以利交通設工廠以
廣實業四五年間規模已具政教所敷番民喁喁較諸
新疆更有起色而今趙氏之成規已蕩然無存蓋自辛

亥西藏失守其川邊境內猶賴全軍統領顧占文之力
維持保全至民國二年

政府特派尹昌衡為經略使前赴巴塘整頓邊務維時
邊地番民乘國體變更亟謀脫離中華政治之束縛兼
尹經略任事未久旋改設鎮守使並設財政廳及川邊
道尹就原設治所改為縣治其間鎮守使若顧鍾琪若
張毅若劉春霖若殷承瓏雖無進取之雄心尚能扼守
我防地至陳遐齡

政府之勢力已漸若鞭長不及馬腹而鎮守使駐打箭
鑪西藏辦事長官駐大吉嶺東西相距萬里中間聲息
不通政事隔闕陳遐齡之為人卑鄙齷齪自到任置邊

聯北通南
一川一滇
政務廢弛

事於不顧。今日聯北、明日通南、今日聯川、明日和滇。挑邊釁，惹外交，以致邊境政務廢弛，邊局日趨危殆。遂釀成民國六年之役，致啓藏番輕讎之心。此藏邊政治變更之實在情形也。

邊釁之開端及結果

川邊特別區域原有邊軍十一營，陸軍一營，新編陸軍第二營，礮兵機關槍輜重計三連，分三人統帶。其第五第七第十一及陸軍第一營，新編陸軍第二營，礮兵機關槍輜重各連，歸正統帶領。第一、第三、第十各營歸幫統帶領。正統與幫統防守北路，第二、第四、第六、第八、第九各營歸分統帶領，防守南路。當時一營駐恩達，二營

軍隊之分
配北路南路
之分配

四

駐鹽井三營，駐同普四營，駐理化五營，駐甘孜六營，駐甯靜七營，與新編陸二營機關槍輜重連均駐昌都。八營駐蓋玉九營分駐巴安德榮十營駐察雅十一營駐德格。陸一營與礮兵連駐類烏齊（即九集縣）以上統係邊軍統領節制之軍隊也。其東部有陸軍一混成旅為鎮守使直轄之軍隊，以一營駐甘孜一營駐稻城餘則俱在鑪關以內。民國六年七月類烏齊地方礮兵連長余清海以割草微嫌與藏番鬪毆，當時統領彭日昇若能鑒於大勢，捐棄小嫌，藏番固易與也。乃彭統不顧後援實力，徒知勇往直前，開戰數月，士卒枵腹，鎮守使陳遐齡不惟無斗米寸械之接濟，一兵一卒之應援，反

陸軍大部
分均駐鑪
關之東
丁戌之役
發源於割
馬草

邊軍誤於
陳遐齡

入關作戰

戰線千餘里

顧此失彼
昌都失守
彭統領被

邊軍覆沒

單騎見虜

昌都停戰
合同十三
條

停戰一年

抽調廿孜德格同普各戰線之軍入關作戰不能外禦其侮專事鬩牆之爭喪心病狂莫此為甚藏番偵得我內地空虛乘機四起霧合雲屯傾國入寇牽動全邊無何而察雅失守無何而昌都被圍而又仇殺幫統聶民德兵無頭緒以致德格鄧柯石渠等縣以次喪失時贊廷分統南路即抽兵分援戰線延至千餘里調六營援察雅半路與匪鏖戰七晝夜乃寡不敵衆全軍覆沒於阿足調八營援德格而蓋玉又被匪襲復抽調鹽井德榮之兵親自統帶以援昌都殊強寇如林顧此失彼甯靜白玉等縣俱被匪佔至七年四月援兵不見彈盡糧絕以致昌都失守彭統領以堂堂主將橫被檻車虎虎

邊軍盡遭覆沒傷心慘目於此為極而匪勢鴟張捲地東下陳使以鑪城危殆禍將及己乃飭辦理停戰交涉事至無可如何贊廷猶直赴昌都單騎見虜旋奉國務院電令開英領台克滿分統劉贊廷藏員噶布倫該三委員先在昌擬一條約呈京核辦等因遵即訂停戰合同十三條戰事於是告終此丁戊藏邊戰役之實在情形也

陳遐齡之貽誤邊局

昌都十三條不過暫時合同並非永久條約其主要關鍵在於停戰為一年期限聽候我政府之批示辦法如川邊鎮守使陳遐齡不利私圖力

反覆無常

擁兵自衛
置國防於
不顧

一死一俘

邊軍覆八
九營十二
縣失守

知事有割
鼻插耳之
慘

視坐邊局
之糜爛

昌都合同
保全巴安
以東十七
縣

邊防無事

川邊黑幕

謀善後於此期限內派兵填防派員宣慰亡羊補牢為時非晚既可伸勢力於西域且不失威信於番民萬里河山依然故物乃陳遐齡計不出此也初以滇勢方盛則攀附羅(佩金)戴(戡)以拒川省及羅戴失敗又轉附川以攻滇派之張午嵐比及川省特派劉成勳為邊防督辦則又怏怏不樂謀與滇合川滇俱知陳狡猾不敢推誠相與遂又調兵入關為擁兵自衛之計置國防於不顧其誤一也自六年七月至七年四月邊軍與藏番激戰中間九閱月陳既不發援兵又不濟糧餉聶幫統死彭統領俘邊軍八九營覆沒官佐士兵陣亡數千人十二縣失守知事為敵所擄者割鼻插耳為國之玷

稍有血氣莫不震動如陳於此時出兵兩三營援助邊軍則前敵士氣百倍十餘縣疆土不難一鼓恢復乃擁兵八營坐視邊局之糜爛其誤二也既將失敗之由嫁禍於彭日昇復將善後之策責難於贊廷然贊廷冒萬險入敵營舌敝唇焦始訂停戰合同保全巴安以東十有七縣如陳於此時痛定思痛將邊地實在情形分報滇川及中央政府共圖補救東隅雖失桑榆非晚一年期內亦可以謀攻謀守乃陳於戰事方停即報邊防無事其誤三也停戰以後前川督熊(克武)調贊廷入省籌議防務陳恐贊廷至成都揭露川邊黑幕致礙彼到處要求餉械之謀要劫贊廷不准過境致逾停戰之期

假道於滇

重申停戰之約

徒成畫餅

事事欺朦
着着乖誤
藉口防邊
到處要求
餉械

其誤四也。贊廷既不得入川，即擬奔告政府，假道於滇。適滇督唐（繼堯）以番匪猖獗，危及滇境，責贊廷以大義，予贊廷以邊防司令名義，迫令回防，整頓舊部，重申停戰之約。贊廷電致陳使，約以共維邊局。陳於此時，若以國防為重，不事排擠，仍可積極設防，而乃通電誣譏，派兵防堵，以寇仇相視，致唐督籌邊之策，徒成畫餅，其誤五也。凡天下事，一誤再誤，亦已不堪設想。乃陳遐齡乘中原多事之秋，事事欺朦，着着乖誤，以致邊局一敗塗地，不可收拾。猶復藉口防邊，到處要求餉械，試問國土無存，餉械何用？此數年來陳遐齡貽誤邊局之實在情形也。

川邊之財力與兵力

稅關收入

四川之協濟

私收洋煙
稅劫收建
雅稅捐
川邊非貧
瘠區

川邊雖非富庶之區，而出入核較，實非貧瘠。以財政而論，打箭鑪稅關每歲收入二十八萬餘兩，地丁錢糧歲入二十六萬餘兩，牛馬牲稅歲入十餘萬兩，金礦鹽課藥茶等稅歲入十餘萬兩，統計歲入折合銀元，不下一百餘萬元。且歲由川省協濟一百萬兩，今川省協濟改為一百三十萬元，外并協濟軍米費二十萬元，共一百五十萬元。近年陳遐齡復私收洋煙稅，劫收建昌雅州兩屬各項稅捐，歲不下三十餘萬元。統計達三百餘萬元，較之瘠苦省分，財政尚覺充裕。試問其解繳京部者幾何？分發軍費政費者幾何？從前邊務歲需款一百餘

百政廢弛
軍餉積欠

萬徵收稅款，俱解京部，而軍備、學務、政治、交通、實業，同時備舉。今則百政廢弛矣。軍餉積欠矣。猶謂財政支絀，誠不可解。至於川邊軍隊，原有西軍五營，新軍五營，中路防軍五營，共爲十五營。統名邊軍。民國以後，裁併爲十一營。尹經略時，復將陸軍一營，歸併邊軍。外設礮兵機關槍輜重隊各一連。旋又添新編陸軍第二營，所有槍械子彈軍裝，俱屬舊有。從前餉糈毫無虧欠。自民國二年，至七年十月，邊軍欠餉，在彭統領聶幫統部分，已達八十餘萬兩。在贊廷部分，已達四十餘萬兩。丁戊之役，第一營戰沒於恩達，第三營潰散於同普，第五營潰敗於甘孜，第六營戰沒於阿足，第七營與新編陸二營

邊軍欠餉
之實數

邊軍僅存
之營

礮兵機關槍輜重各連，均覆亡於昌都。第十營於察雅降賊，第十一營戰沒於德格，陸一營戰沒於類烏齊。所存者只有第二、八、九各營，與四營之一部耳。今併二、四、八、九各營，亦以欠餉過鉅，腐敗不堪，勢將潰散。而陳遐齡直轄軍隊，原爲一混成旅。去年附川攻滇，改旅爲師。實則不足三團。軍餉之耗用，其充裕無缺，已可概見。此川邊財力與兵力之實在情形也。

一混成旅

川藏邊務之危機

自邊藏停戰以後，通國上下，受陳遐齡之欺矇，幾不視西域爲國務問題。贊廷係身經險難，熟知虜勢之人，由是南北呼籲，不啻饒音堵口。舉國夢夢，置若罔聞。民國

西藏問題
之銷聲

消患無形

國際之信用喪失

西藏之軍械多半為官軍遺失

八年贊廷入川，籌議邊防。既為陳遐齡所阻梗，已失時機。既而晉京陳報，又為滇督唐所挽留，方冀仍回川邊，整頓防務，重申停戰之約。消患無形，又受陳遐齡之疑忌。贊廷盡瘁國事，並無權利之私，苦心孤詣，無人見諒。遂乃棄甲歸田，潔身引退。無如邊地日削，邊禍益深。國際之信用喪失，藏番之猖獗尤甚。劫邊軍之鎗械，抗漢官之錢糧，夷性犬羊，反覆無定，履疵蹈瑕，得寸進尺。雲南之中甸、阿敦、胡馬、頻來，川邊之定鄉、德榮、胥成、匪窟，且藏番非小弱也。習俗强悍，樂於戰鬥。向之所以屈服者，以無器械之故。自辛亥駐藏陸軍叛變，遺失三十年式鎗一萬三千餘枝，駐藏大臣直轄之軍隊遺失九子

機關槍與大礮

停戰之約沉悶三年

槍三千餘枝。民國四年拉薩政府又自印度購特母式鎗二萬枝。此為西部軍械之約數。至於陳步三叛邊川軍潰敗兩旅，遺失川造鎗八千餘枝。丁戊之役，邊軍覆沒，失三十四年式和九子槍三千餘枝。前後並遺失機關槍四十三架，大礮二十七門。此為東部軍械之約數。此種軍械，胥以資敵。其暗地私購外人之槍械、子彈，又不知凡幾。以强悍耐苦之藏番，有此大宗軍械，適足以長其驕氣。近聞藏官以我停戰之約沉悶三年，無所表示，勢將轉向異族，別抱琵琶。倘受搖惑，大舉入寇，則蹂躪不僅在川邊區域，從來滔天之流，起於濫觴，燎原之火，生於纖芥。倘被擾及腹地，牽動外交，再欲圖之，亦已

晚矣。此邊務危急之實在情形也。

以上六端俱係近年邊藏之實在情形。然補救之策。若待國家統一以後。竊恐時過景遷。無能爲役。茲救目前救急辦法。約略言之。

宜派明幹大員宣撫西藏

西藏政教
統一新維
西藏之維
種族宗教
之觀念已

查西藏政治原無統系。從前各土司有屬於藏王。唐古忒者。有直接屬於中央政府者。有屬於四川總督者。有屬於達賴喇嘛者。自趙爾豐經略西藏。政權始得劃一。辛亥以後。達賴以教宗併吞唐古忒。全藏政權亦即不勞而獲。政教亦由是統一。兼以出洋學生回藏。力謀政治之改革。練洋操。講新法。唯日不足。於是內部分新舊

深

數千年附庸國

十年無三尺童子人藏慰問

宣慰使常

駐拉薩扶導西藏之自治

兩派。其守舊派以種族宗教之觀念已深。自然傾向於我國。即新派中自達賴以下。無不因數千年歷史。久作附庸。眷戀舊主。不過購槍枝以及新式物品。仰仗外人。徒以我中央政府十餘年來。並無三尺童子入藏慰問。不免稍生缺望之心。贊廷愚見。速派明幹大員。爲西藏宣慰使。一切儀注。悉依從前辦事大臣舊例。宣布政府懷柔遠人之德意。即以常駐拉薩扶導西藏之自治。如印藏界務。邊藏界務。俱可由宣慰使秉承我政府命令辦理。如此則達賴之心穩固。達賴之心固。則全藏可保無虞。蓋以藏番最重服從。且多不知西藏脫離中華之所以。如達賴拱服神京。其他酋首。決不致輕於內犯。

國家統一
徐圖改建

牽動邊局。俟國家統一之後，徐圖改建，此其一也。

鎮守使宜移駐巴塘

查川邊匪發生之原因有二：一因邊藏停戰以後，邊軍毫無整頓，防地毫無設備，以致土匪乘機而起也；二因巴塘為川邊適中之地，巡撫衙門及各國教堂所在，嗣改川邊為特別區域，則鎮守使應駐巴塘，毫無異議。乃歷任鎮使均駐於打箭爐，已有不能兼顧之勢。而陳遐齡接任以後，不惟足跡未履巴塘一步，近且舍爐城而駐雅州，巴塘無戰守之兵，鄉德有方張之虞，危險之勢，自不待言。且駐雅州所圖者，四川之權利也。駐巴塘所拒者，國家之仇寇也。內為兄弟之爭，外為屏藩之守，權

鎮守使有
駐巴塘之
必要

足跡未履
巴塘一步
且舍爐城
而駐雅州

虎方逐鹿
羆據其穴

清番匪尙
可苟延一
時

無黨派之
分南北之
見

西藏為我
中華五族

輕較重，何去何從，更有甚者。虎方逐鹿，羆據其穴，顧此失彼，古有明訓。天良具在，胡不慮此。如鎮守使移駐巴塘，以資坐鎮，就固有之兵力，足以肅清邊匪，而有餘。川邊肅清，則藏邊尙可苟延一時。俟國家統一之後，再圖建設，此其二也。

贊廷一介武夫，久戍邊圉，於中原掌故，茫然不知。至黨派之分，南北之見，尤所不解。只知鞠躬盡瘁，為國宣勞。近來內顧繁憂，邊疆多事，三年泣血，五次上書，人微言輕，百呼莫應。本年正月，哲回里脫離川邊，干係解甲歸農，本不應與聞國事。第念領土人民主權，三者缺一，不得謂為國家。西藏為我，中華民國五族共和之一大部

共和一大
部落

羣策羣力
或可挽救
於不亡

落臥榻之傍，耿耿者已大有人在，東望三韓，付諸瀛島，南瞻百越，沉入西洋，欲緘默而不言，殊中焚之難忍，用敢以足之所至，身之所經，耳之所聞，目之所見，聊供一得之愚，以盡匹夫之責，惟望

愛國諸君子，眷顧五色旗幟，維持三藏版圖，羣策羣力，急起直追，或可挽救於不亡耳。

附啓者，贊廷歷邊十四年，從事研究夷務，略有成績，計分三種：(甲)邊務記錄八十餘卷，於藏邊之形勢及各區域之沿革、西藏之政治、西藏之法律、西藏之風俗、歷代各人之遺蹟、各喇嘛寺之調查、物產之調查、地丁錢糧之調查、趙爾豐之戰略、改土歸流之經

過(附歷次)內容極爲豐富，(乙)像片三千餘張，皆

贊廷親自以萬分之一快機映得，自打箭鑪以至大吉嶺，凡名勝古蹟、人物風景、險要關隘、各大渡口、古今戰場、壯麗佛寺、土人習俗、各種歷史情景，逼真(丙)地圖五十餘張，皆親派員測繪，費五年苦功，三次覆勘，區分縣治繪成，凡從前各圖之錯誤，俱經更正，贊廷擬將邊務記錄類輯一書，附以像片、地圖、印刷成帙，以供留心邊務者之參考，但預計自編輯以至出版，所費頗不貲，贊廷十年戍守，空餘兩袖清風，百戰歸來，賸得一腔熱血，有心問世，無力付梓，欲俟諸將來，恐時乎不再，我無韜略，猶懷絕域之勳，孰問

穹廬斯作識途之馬，世有班定遠其人者，願與共商
西域事，遠道弗屈，儘可函詢。贊廷附啓

通信處

三



上海聚珍仿宋印書局印